

K/70.3 Poslovanje nekretninama, uz naplatu ili po ugovoru - **briše se**

O/92.31 Umjetničko i književno stvaralaštvo i scensko izvođenje - umjesto riječi: "scensko izvođenje" treba da stoje riječi: "**scenska umjetnost**"

IZMJENE I DOPUNE POPISA

DJELATNOSTI KOJE SE MOGU OBAVLJATI U STAMBENIM PROSTORIJAMA, A KOJE SE SMATRAJU DOMAĆOM RADINOŠĆU

U Popisu djelatnosti koje se mogu obavljati u stambenim prostorijama, a koje se smatraju domaćom radinošću, koji je sastavni dio Pravilnika o obrtima koji se mogu obavljati u stambenim prostorijama ("Službene novine Kantona Sarajevo", broj 2/04 i 5/04)

DI/26.21 Proizvodnja ostalih proizvoda od betona, gipsa, cementa i vještačkog kamena - **briše se**

DJ/28.75 Proizvodnja ostalih metalnih proizvoda, na drugom mjestu nepomenutih - **briše se**

DN/36.62 Proizvodnja metli i četki raznih oblika i materijala - **briše se**

K/74.70 Čišćenje svih vrsta objekata - **briše se**

D.D/20.51 Proizvodnja ostalih drvenih proizvoda - iza "rezbarenih proizvoda" **briše se** riječ "**namještaja**"

DN/36.40 Proizvodnja sportske opreme - iza riječi: "ručna izrada" dodaju se riječi: "**lopti, reketa, štapova i palica za golf, izrada mreža za sportski ribolov**"

IZMJENE POPISA

DJELATNOSTI KOJE SE MOGU OBAVLJATI IZVAN POSLOVNIH I STAMBENIH PROSTORIJA, A KOJE SE NE SMATRAJU SEZONSKIM OBRTIMA

U Popisu djelatnosti koje se mogu obavljati izvan poslovnih i stambenih prostorija, a koje se ne smatraju sezonskim obrtima, koji je sastavni dio Pravilnika o obrtima koji se mogu obavljati izvan poslovnih i stambenih prostorija ("Službene novine Kantona Sarajevo", broj 2/04 i 5/04)

A/01.50 Lov, hvatanje životinja u zamke (traperstvo) i briga o divljači uključujući i odgovarajuće usluge - **briše se**

A/02.01.1 Uzgoj i zaštita šuma - **briše se**

A/02.01.2 Iskorištavanje šuma - **briše se**

A/02.02 Šumarske usluge - **briše se**

F/45.1 Pripremni radovi na gradilištu - **briše se**

F/45.11 Rušenje građevinskih objekata i zemljani radovi - **briše se**

F/45.21.2 Niskogradnja-izgradnja objekata niskogradnje - **briše se**

F/45.21.3 Održavanje objekata visokogradnje i njihovih dijelova - **briše se**

F/45.22 Podizanje krovnih konstrukcija - **briše se**

F/45.23 Gradnja cesta, željezničkih pruga, aerodroma i sportskih objekata - **briše se**

F/45.24 Hidrogradnja i uređenje voda - **briše se**

F/45.25 Ostali građevinski radovi koji zahtijevaju specijalno izvođenje ili opremu: zidanje i popločavanje kamenom - **briše se**

F/45.25 Ostali građevinski radovi koji zahtijevaju specijalno izvođenje ili opremu: zidanje dimnjaka i industrijskih peći - **briše se**

F/45.25 Ostali građevinski radovi koji zahtijevaju specijalno izvođenje ili opremu: bušenje i izgradnja bunara, iskop okna - **briše se**

F/45.25 Ostali građevinski radovi koji zahtijevaju specijalno izvođenje ili opremu: montaža čeličnih elemenata proizvedenih od drugih - **briše se**

F/45.25 Ostali građevinski radovi koji zahtijevaju specijalno izvođenje ili opremu: armirački radovi, savijanje armature - **briše se**

F/45.25 Ostali građevinski radovi koji zahtijevaju specijalno izvođenje ili opremu: montaža i demontaža skela i radnih platformi - **briše se**

IZMJENE POPISA

DJELATNOSTI KOJE SE MOGU OBAVLJATI IZVAN POSLOVNIH I STAMBENIH PROSTORIJA, A KOJE SE SMATRAJU SEZONSKIM OBRTIMA

U Popisu djelatnosti koje se mogu obavljati izvan poslovnih i stambenih prostorija, a koje se smatraju sezonskim obrtima, koji je sastavni dio Pravilnika o obrtima koji se mogu obavljati izvan poslovnih i stambenih prostorija ("Službene novine Kantona Sarajevo", broj 2/04 i 5/04)

DA/15.11 Proizvodnja, prerada i konzerviranje životinjskog mesa, osim mesa peradi - **briše se**

DA/15.12 Proizvodnja, prerada i konzerviranje mesa peradi - **briše se**

DA/15.20 Prerada i konzerviranje ribe i proizvoda od ribe - **briše se**

DA/15.43 Proizvodnja margarina i sličnih jestivih masnoća - **briše se**

DA/15.51 Prerada mlijeka i proizvodnja mliječnih proizvoda, osim proizvodnje sladoleda - **briše se**

DA/15.51 Proizvodnje sladoleda - **briše se**

DA/15.33 Prerada i konzerviranje voća i povrća, na drugom mjestu nepomenuto - riječ "konzerviranje" **briše se**

O/93.02 Frizerski saloni - **briše se**

O/93.02 Saloni za uljepšavanje (u objektima sezonskog karaktera) manikiranje i pedikiranje - **briše se**

O/93.02 Saloni za uljepšavanje (u objektima sezonskog karaktera) masaža lica i masaža tijela - **briše se**

O/93.02 Kozmetički saloni (u objektima sezonskog karaktera) manikiranje i pedikiranje - **briše se**

O/93.03 Djelatnosti vezane za poboljšanje fizičkog stanja i raspoloženja - **briše se**

GRAD SARAJEVO

Gradsko vijeće

Na osnovu člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 1/98, 14/98 i 25/05), te člana 40. stav 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), Gradsko vijeće Grada Sarajeva je, na sjednici održanoj 05. juna 2007. godine, donijelo

ODLUKU

O PRISTUPANJU IZRADI IZMJENA I DOPUNA REGULACIONOG PLANA KVADRANT "C" - MARIJIN DVOR

Član 1.

Pristupa se izradi Izmjena i dopuna Regulacionog plana Kvadrant "C" - Marijin Dvor ("Službene novine Kantona

Sarajevo", broj 27/03 i Korekcija 26/05) (u daljnjem tekstu: Plan).

Granica prostornog obuhvata

Član 2.

Granica obuhvata Plana počinje kod mjesta gdje ulicu Zmaja od Bosne k.č. 4338 (K.O. Novo Sarajevo I), presijeca granica između općina Centar i Novo Sarajevo, te ide u pravcu juga granicom između Općine Centar sa lijeve strane i Općine Novo Sarajevo sa desne strane, odnosno trasom I transverzale i dolazi do mjesta gdje trasa I transverzale izlazi na rijeku Miljacku k.č. 4538 (K.O. Novo Sarajevo I), lomi se idući na jugozapad desnom obalom rijeke Miljacke k.č. 4358 (ne obuhvata je) i dolazi do mosta na istoj, preko kojeg prelazi ulica Hamdije Čemerlića k.č. 3380, lomi se idući na sjever istočnom stranom ulice Hamdije Čemerlića k.č. 3380 koju ne obuhvata i dolazi do njenog raskršća sa ulicom Zmaja od Bosne k.č. 4338, lomi se idući na sjeveroistok osovinom tramvajske pruge, te dolazi do mjesta gdje istu presijeca granica između općina Centar i Novo Sarajevo, odnosno mjesta odakle je opis granice prostornog obuhvata i počeo.

Sve naprijed navedene parcele nalaze se u K.O. Novo Sarajevo I.

Ukupna površina prostornog obuhvata iznosi 15,40 ha.

Vremenski period za koji se Plan donosi

Član 3.

Plan se odnosi za period od 10 godina 2007-2017. godine.

Smjernice za izradu Plana

Član 4.

- Zadržati sve građevinske i regulacione linije utvrđene kroz važeći planski dokument. Posebno definisati građevinske linije podzemnih etaža.
- Lokacije označene na grafičkim priložima kao A6, A7, A8, A9, A10 planirati kao diplomatsko konzularna predstavništva, spratnosti XS+P+3 (maksimalne visine objekata 16m iznad kote terena) prema ulici Vilsonovo šetalište i XS+P+4 (maksimalne visine objekata 21,0 m iznad kote terena) prema planiranim poslovnim objektima uz ulicu Zmaja od Bosne.
- Povećati spratnost objekata na parcelama 1,2,3,4 uz ulicu Zmaja od Bosne i to:
 - parcele označene na grafičkom prilogu brojevima 1. i 4. spratnost XS+P+6 do XS+P+12 (maksimalna visina objekata 50,0m iznad kote terena) uz uvjet da tlocrtna površina vertikalnih akcenata ne prelazi 20% planirane tlocrtnne površine objekata.
 - parcele označene na grafičkom prilogu sa brojevima 2. i 3. spratnost XS+P+6 do XS+P+9 (odnosno maksimalna visina objekata 40m iznad kote terena).
- Postavku vertikalnog akcenta na dijelu parcele broj 4. uskladiti sa postojećim objektom Historijskog muzeja i budućim Muzejom savremene umjetnosti.
- Preispitati saobraćajno rješenje uz pomenute objekte, a u skladu sa usvojenom Korekcijom Plana i novoplaniranim rješenjem.
- Kolski saobraćajni pristup u Kvadrant ostvariti sa glavne gradske saobraćajnice (ul. Zmaja od Bosne), a ulicu Vilsonovo šetalište i dalje zadržati isključivo za pješački saobraćaj.
- Garažiranje planirati u podzemnim etažama u okviru vlasničkih parcela sa kapacitetima zavisno od brutto građevinske površine objekata, a prema važećim normativima za saobraćaj u mirovanju (analiza minimalnog broja potrebnih garažnih mjesta za maksimalnu brutto građevinsku površinu objekata).

- Preispitati važećim planskim dokumentom planirane kapacitete komunalne i energetske infrastrukture u odnosu na predloženo povećanje brutto građevinske površine objekata.
- Preispitati mogućnost lociranja javnog toaleta uz ulicu Vilsonovo šetalište.
- Odlukom o provođenju propisati zabranu postavljanja ograda u obuhvatu Plana.

Od zabrane je potrebno izuzeti objekte diplomatsko-konzularnih predstavništava, uz uvjet da ne smiju biti betonske ograde prema Vilsonovom šetalištu.

Rokovi za pripremu i izradu Plana

Član 5.

Rokovi za pripremu i izradu Plana po fazama su:

- Prednacrt Plana - juni 2007.
- Nacrt Plana-juli 2007.
- Javni uvid i rasprava - septembar 2007.
- Prijedlog Plana - kraj septembra 2007.
- Usvajanje Plana - oktobar 2007.

Način osiguranja sredstava za izradu Plana

Član 6.

Sredstva za pripremu i izradu Plana u iznosu od 20.000KM obezbijedit će krajnji investitori, što će se regulisati posebnim ugovorom između Nosioca izrade i krajnjih investitora.

Nosioci pripreme Plana i Nosilac izrade Plana

Član 7.

Nosilac pripreme za izradu Plana je gradonačelnica Grada Sarajeva.

Nosilac izrade Plana je Zavod za planiranje razvoja Kantona Sarajevo.

Donošenje Plana

Član 8.

Nosilac izrade Plana će izraditi Prednacrt plana i dostaviti ga Nosiocu pripreme za izradu Plana radi utvrđivanja Nacrta plana.

Nosilac pripreme za izradu Plana će utvrditi Nacrt plana i podnijeti ga Gradskom vijeću na razmatranje i stavljanje na javni uvid i raspravu u trajanju od 20 dana.

Član 9.

Na osnovu rezultata javne rasprave i stava o Nacrtu plana Nosilac pripreme za izradu Plana utvrditi će Prijedlog plana i podnijeti ga Gradskom vijeću Grada Sarajeva na donošenje. Sastavni dio Prijedloga plana je "Elaborat troškova uređenja građevinskog zemljišta", koji će uraditi Zavod za izgradnju Kantona Sarajevo.

Subjekti planiranja

Član 10.

Subjekti planiranja su: Kanton Sarajevo, Grad Sarajevo, Općina Novo Sarajevo, Zavod za izgradnju Kantona Sarajevo, Zavod za zaštitu kulturno-historijskog i prirodnog naslijeđa, komunalna i javna komunalna preduzeća, vlasnici i korisnici zemljišta, potencijalni investitori i drugi zainteresovani subjekti koji iskazuju svoj interes.

Član 11.

Sastavni dio ove Odluke je grafički prilog sa ucrtanom granicom područja Regulacionog plana.

Član 12.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-1406/07
5. juna 2007. godine
Sarajevo

Predsjedavajući
Gradskog vijeća
Marin Ivanišević, s. r.



